

綠筠書屋詩鈔

綠筠書屋詩鈔卷十一

閩縣 葉觀國 毅庵

炳燭集

起乾隆丙申迄已亥止

有鳥二首

聽彼庭隅有鳥巢樹禿尾畢逋歸哺其母叶哺母不食
鳥噓聲苦嗟爾物微誰能念汝

有特在欄罷耕乳犢朝舐犢背夕舐犢腹特出犢從于
垆于陸人無父母曾犢不若

除夕次韻二首

崢嶸暮歲役車休赴壑修蛇力較遭貧裏送年疑度劫

綠筠書屋詩鈔

卷十一

老來增算愧添籌平生不解管三窟晚節偏工賦四愁
回首年前今夕宴繡衣被體玉簪頭

傷心未忍近腥鹹廢業新塵集阮咸車馬到門原自少
蓬蒿生逕不須芟影堂薦食顏增感隣甕浮香意亦饒
却喜晚來檐滴斷紅輪一玦翠峯銜

元旦次除夕韻二首

潮鷄再唱爆聲休守歲殘膏曉欲遺玉珮朝元齊聽漏
金輿出閣待傳籌雨濡高壠占年熟風掃層陰散客愁
惟有鮮民苦塊裏避人銜恤獨埋頭

又土成甘水作鹹長期物阜應韶咸新恩山左常春沛

今春聖駕巡幸山東 餘蘗川西指日芟征勦金川不省有鳴鸞

常奏瑞田無碩鼠豈憂饑微生頂祝無多事不望牙牌

署要銜

過萬安橋

惠安晉江二縣交界一名洛陽橋米蔡忠惠公建

萬安本古渡厥流實支海

忠惠記渡實支海

東南平地坼蛟鱗

腥濤駭維昔劉與留

劉錕留從劾

嶠負抗戈鎧誰能挿翅飛

動貽滅頂悔不知魚腹恨沉抑幾千載蔡公信剛者王梅

溪詩蔡公力量真剛者

營橋疊硯礪卧虹三千尺突帆橫碧澗頓

令萬萬衆踏浪容不改晝夜走牒符南北通貨賄譬於

苦海中喜見慈航艤傳聞版築初馳檄投有淮江神聽

約束爲縮潮頭待此事定有無遺編多錄採王遵巖以爲公自爲
記無是事亦人托于神以美之耳我來三月朔甚雨新流滙人疑行水
面漲正平橋齒下馬歛祠扉黃絹穹碑在橋長記獨短
雙絕鬪峩嵬百五十四字字字嵌珠琲明德觀河洛神
功緬模楷及時修廢墜尙期後守宰

清源書院卽事四首

負郭無田作耦耕授經聊復學康成半生馬走仍爲客
四海鴻蹤欠此行余遊迹半天下獨未嘗一過烏龍江春枕滄溟春浪近

捲簾紫帽曉嵐輕刺桐花是詩家料潑眼紅芳午院晴

水檻風廊次第開未荒澗圃舊池臺書院本靖海施雨將軍澗圃別業

拋鎖甲將軍去日照朝盤弟子來鹿洞規存勤拂拭講堂

有洗馬官石溪先生手書白鹿洞規條版子兔園冊在自譎詼丹黃黠罷無

餘事且聽邊韶夢一回

書囊硯匣鎮隨身絳帳青氊亦夙因徑菊荒蕪頻入夢

酒鎗拋別任生塵溫陵無佳酒悠悠未了三千牘濟濟翻過

七十人用孟子從先生者七十人語襤被遠來緣底事敢誇憂道不

憂貧

清源文獻古名區先正風流近未孤師說世方訾吏部

教條吾欲倣蘇湖湔除氣習功爲大殺核詩書語自腴

不識季長庸峭甚有何衣鉢付生徒

贈李鼎先明府

名夔登上海人乾隆丁丑進士官孝豐縣令罷歸時爲梅石書

院山
長

峩峩卧龍峯下歎千仞雪山雄水深駛挺生足奇傑徃

古不具論但數今時詰卓犖泉上翁

處士李世熊居揚寧化泉上里

馬困鞍突斷斷愧曾老

參政黎士宏

托素光詭譎

參政著有托素齋詩

文集寒泉

明經童能靈

吾及友研易長屹屹翠庭

副憲雷鉉

名先輩

龜判聯袂黻亦有同年生日乾

丁卯孝廉余起

才雋絕數君雖

今人古學賴未轍先生實躡秀穿貫經傳穴黃河瀉胸

臆萬里看澈冽秋月寄兩眸罅隙入披扶高者嗤莽魯

下者哂寒乞二劉三孔閒揖讓相頽頽奈何仕不諧蒞

官纔匝月佩玉妨走趨今古同咤咄夜光或按劍長柱
斷成稅歸來垂一橐代耕尙存舌瓠落雖難容鐘虛幸
可憂榛管翳幽桂眷念勞蘊結竭來刺桐城一見心爲
折昔爲燕與鴻今如蝨與蟹願挹崑崙渠漑我潢港渴

謁明太師文忠公墓

在閩縣
方岳里

十年鈞軸障狂瀾門館如水素節完納牖昏朝心獨苦
調羹衆口事偏難懸車情切收身早下馬陵存卜兆安
塚地公
所自卜敢辱梁公尋譜系也應相近視何韓

官軍平定大小金川凱旋二首

掃穴功成解戰袍劍門歸陣凱歌豪爲安蠻觸煩楊僕

已向崑崙縛智高玉壘又添新版籍雪山應罷舊弓刀
聖人首出真神武况有干城比鄂褒

桃關西去萬峯連縷險千軍盡裹瓊飛渡每看先奪隘
仰攻仍喜衆摧堅撼鈴 禁漏常三商儀禮漏下三商為昏商音滴

轉粟青天已五年從此錦城停羽檄扶犁戶戶事春田
題孟瓶庵郎中採芝圖小像三首

海鶴心情嶽鳳姿聖辭仙署卧山茨清時肯說耽泉石
為採咳蘭一採芝

晨羞夕膳罄慈歡園笋江魚致不難更向仙山求上藥
延年新得玉芝餐

歸裝先後出春明河上歌中數載情欲借新圖白水柄
療飢爲我刷黃精

卽景感舊二首

錦屏珠箔玉樓臺客到都將月地猜誰信阿儂寒乞甚
也曾身住此中來

小草何心競物榮偶霑春露蔚茗莖而今每到看花地
回首當年似隔生

新居示兒子

我家蕩析餘兩世居賃屋先君晚買宅纔足布牀褥爾
來稍改遷小子忝竊祿一徙通津衢再徙九仙麓閉闕

雖漸高坐處仍苦促小齋一書榻竟日駐羲轂炙面怪

已薰橫肱輒遭觸悠悠思古人游息恆自足少陵號最

貧草堂有遺蹟昌黎亦窮士南亭松果屬

昌黎示兒詩
松果連南亭

樂天較優饒履道居蚤卜東坡雖遠謫白鶴賦新築嗟

我獨何爲老死守蹉跎今春又西徙近傍闕山曲非爲

慕高華庶以避炎煥有樓敞可憑有池清可掬軒庭雖

不大頗亦蒔花竹同志三四人談嘯慰幽獨喜餘還竊

歎住穩轉生惡挾持竟何具享此書一束肯構要兒孫

傳家惟誦讀此屋閱人多世事如棋局不見馬家宅作

園在轉矚不見鄭公第乃仗他人贖勿嫌薨棟低莫訝

墜塗樸堂堂宰相廳旋馬不爲辱况我官秩微後人非
太祝所傷先子逝不及奉休沐

孟瓶庵郎中與林孝廉喬蔭開瓊昆瓊昆季唱

和爲詩次東坡岐亭韻詩亦如其數僕從郎中
齋頭讀之勃然有感輒次韻奉和寄呈郎中併
簡三孝廉兼呈張惕庵編修五首

閒居事醉哦濡筆吮墨汁唱予孰和汝情性異燥濕獨
愛孟夫子浩歌中有得况多同調人覓句意殊急三林
清廟器文采丹毛鳴亦園郎中書齋共偃寒花霧春歷羃同

斟酒瓮香各樹詩幟赤我來誦新句一豁塵眼白細字

籠壁隅就讀礙巾幘清辭意也消苦語感應泣

孝廉令弟編修

樹蕃新逝其詩多叙鵲原之痛

俗學期速化豈念風騷缺誰爲嗣坵壇

那復圖主客諸君扶雅輪題襟裒成集

我非學佛人頗復耽米汁爾來斷晚飲衰滯患脾濕何
况鮮與肥果腹竟奚得久怪飲食人朶頤情太急魚燻
盡魚鱉剝剝要鵝鴨諸君俱仁儉食簋去巾幘當餐戒
濫殺得路看保赤吾生旣老矣學道知黑白豈惟厭羶
腥早已掛冠幘行隨山鹿遊長念枯魚泣坡翁飽憂患
因鐫朋友缺岐亭人化之祝此遠來客何曾爾何人一

箸萬錢集

次章諸君多及殺戒事蓋亦原本坡公之指

熙春二三月濃綠霑柳汁當風鶯管和宿露花房濕新
居頗爽塏俯仰方自得胡爲舍之去戒轄星火急凌晨
涉大江泛泛如鳧鴨回思新種竹還否清陰罩小池尤
可愛宛轉雕欄赤分宜從醉卧家事斷關白朋遊皆怪
我曉別不及饋答言我不行釜米何由泣人生皆寄耳
明月有圓缺一枝聊可栖六幕誰非客無爲更戚戚枯
苑隨所集

種松期作柱種漆期取汁當其封殖初必審乾與濕把
鋤芸人田於我未爲得家有六男子訓課事最急敢希
龍與鳳莫作豬及鴨學堂利幽靜簾幙命遮窳我家寡

憑藉所恃寸心赤仕宦二十年未敢蓄黃白有子不讀書愧此頭上幘去歲兩兒郎喪母日號泣阿爺又遠出督責道滋缺石虎慮破車孔融能對客念茲杵撞胸中夜百端集

溝澮涸復盈微流仰雨汁江河苟一決千里焦原濕爲

學貴討源自叩慚所得誰似張夫子著書如火急

坡翁詩火

急勸著書六經究終始閉戶炷金鴨文成逾數萬一一緝函

幕先聖倘策勲上可配高赤長君才雋異

長君經邦出余子婿

語壓元自有作已成囊燥髮初加幘定爲張鷟選寧效卞和泣談鋒凜可畏往往攻吾缺衰齡寡歡悰賴此乘

龍客他時如李漢爲我序遺集

寄送蔡明府和亭羹元之官粵西仍次岐亭韻

二首

五年遊東軒

魏岱巖郎中書齋

飲酒如啜汁狼藉槃案空顛倒

襟裳濕就中君大戶玉山推豈得興來敲短韻宜索賤

毫急吟爲解語花賦及能言鴨有時藉草坐樹影亂蒙

冪共屏禮數苛各輸心膽赤君才如鑊鄒氣吐長虹白

霜蹄雖偶蹶新復彈冠幘我老窮益甚屢洒步兵泣心

知握別近一餞禮竟缺形迹安足論恕我遠行客雙旌

倘南指佇跂飛鳧集

自閩入粵取道多出溫陵

多錢信爲累如渴飲薑汁無錢亦大難涸轍疇相濕誰能似齊女食宿欣兩得君豈愛錢者往往先去聲人急三

年官嶺右未敢賦鷄鴨桂管我舊遊古洞青藤竊高峰

鑽石劔晚照千尋赤雙江清可泛仰送飛雲白但恐簿

領繁曉沐不暇幘行當理鞭箠上聲據案數囚泣人生少

如意此優定彼缺耐勞作熱官忍餓作閒客祝君爲好

語領邑視懷集

俗以官嶺右者得北流懷集爲美缺

銅盆歎

故巡撫郭公所貽

銅盆屬我久持贈忝故人相從二十年攜挈走關津故人化爲土此物猶鮮新雕鏤花草細摹寫禽魚真尋常

付包裹盟類供朋賓一朝成訣別買此朱提銀僮僕竊
歎喟拙哉主公貧物微安足道感舊潛酸辛

題唐縣尉峻德小像二首

訟庭寂靜少埃塵吏隱悠然似子真雁鷺行歸鞭掛壁
凝香齋閣賞芳農

孺人稚子娛馮衍修竹茂林憶永和宦海相隨如泛宅
油幢何必羨沙哥

次韻酬黃職方叶菴日紀二首

芙蓉闕下共朝天跋扈詞塲各盛年解絃吾因求奉母
抽簪君早賦歸田飛鳧閣畔看敲韻留珮亭邊想草元

珍重故人雲樹意郵筒幾度惠新篇

詩名碑碣樹長城覓句應知遶榻行藥有君臣聊却病

開君近善
病常服藥

雨無今舊總關情溫陵館小容鴛足鷺島波

寬隔雁程欲問阿儂牢落狀高吟誰和感嗚嚶

題陳明府鑒溪旭世小像二首

竹王祠畔鳥鳧留銅鼓村中五袴謳袖却安仁種花于
歸來種秫遍平疇

楚荷自覺爲衣好燕玉還看煖老便應笑香山老居
遣樊鸞駱意蕭然

卽事

門無車馬出無騶五月軒庭氣似秋客笑爲官何拓落
天哀老子使遨遊清源洞古宜攜酒溜石江虛好泛舟
口噉荔枝三百顆今年荔枝熟甚殘年此外更奚求

野廟

野廟人蹤不整停揀豚醢酒滿中庭生成未報天公德
禍福爭邀社鬼靈飽及烏鴉聲啞啞竄來麤黜影冥冥
可憐佛宇前頭是寂寞寒燈古火青

題傅翁在山遺像其孫秀才修孟從余遊

我來清源歲再更濟濟門徒屢戶滿先生周孔那敢說
弟子淵騫固難限蘇詩先生周孔出弟子淵騫寢中有傅子少且賢經

義何止了瑟憫

韓詩解摘了瑟憫

權奇毛骨蹴騏驥溫栗精神

對珪瓚引徽落斧我不辭貫蝨穿楊子奚赧盈川先生

雅好士

謂大興楊君廷柱進士

許子人物宜閣館賞音自昔有特

鑑刮目誰知非左袒頗怪鄉語膠

去聲

牙舌答問匆匆席

未煖龍游老令我同年

謂同年傳君應時

輩行去聲於子爲大阮

故知家學有源流世業青箱自紹纘朝來示我六尺圖

欲述祖德丐銀管側聞長者陰行善貽厥寧須萬金產

期君繩武且亢宗莫負秋堂燈檠

從上聲讀短

題薇閣偶存詩草

昆陵女士王采薇著

容華刻玉氣吹蘭細帙長隨鏡檻安罷繡吟成藤紙貴

留香草在墨池寒生天有籍宜切利

事具小傳

住世無多似

小鸞若向詩家論格力長江昌谷重登壇

龍綉吟侯官女郎王虞鳳

著留香草合刻屠
瑤琴沈天孫詩

題林廣文心香讀書圖小像二首

讀書如富賈用意在博收又如繅繭絲引緒難中休七
略浩煙海萬卷汗馬牛仲文信儒雅殊愧袁豹儔歐陽
一代人古事咨二劉哀哉束書徒牆面空銜羞君家精
典籍執圃勞鉏耰白髮不滿梳青燈長案頭要令便便
腹貯彼墳與邱披圖識君意大業期千秋我亦失學人
願從君溯游

先正亦有言讀書良不易

趙文敏云聚書觀書亦匪易事

每憐世網牽

似犯造物忌誰能百年內了此三餘事獨有廣文賢條
然成隱吏幸辭簿領櫻稍救飢寒累翩翩媚學子載酒
問奇字幡幡瓠葉羹酌客談經義身為待扣鐘敢作寒
竿置但恐及美除短檠一朝棄

題林上舍承修暢竹崖吟嘯圖小像二首

黃塵撲面事千頭酒賦琴歌取次休誰似高人瀟洒甚
清吟能續竹林遊

裙屐風流似謝家二難

謂尊兄心香廣文

聲譽玉無瑕知若他

日成吟稿花萼題編一代誇

題薛明府肇瑣小像二首

不簪玉弁不垂紳，岳立淵渟意態真。
豈識林荆苦履客，當前原是宰官身。

綱常名教待人肩，一甌橫身敢自便。
况是居官求任事，鍊磨骨力要剛堅。

君家樂廣我同年。

君為同年周農部曰贊子培

風度曾披鳳羽鮮，惆

悵故人成永逝，重親玉潤嶺雲邊。

宿大田驛

舁橋循長陌，呼船渡急湍。
江雲催暮雨，隴麥駐春寒。
殷殷新雷動，丁丁夜漏殘。
幸辭鹽米累，敢畏道途難。

蒲陽道中口占

蒲中風物昔人談，幾度經過我最諳。
丹荔黃柑真海國，紅欄綠浪似江南。
舊有小江南之稱如弦官道連秋穗，勝畫名園對曉嵐。
便欲誅茅來此住，木蘭坡上縱歌酣。

雨滯蒲城以詩代書寄懷林編修南池

北鯉

一燈揜菟夜籌闌，塔滴頻添絮被寒。
客戴漏天彌覺倦，身留孤館乍嫌單。
敢言今雨人來少，實畏衝泥我拜難。
咫尺思君賒會面，瀕行特爲訊佳安。

柳枝詞二首

底事逢春欲斷魂，垂垂一樹怨黃昏。
永豐園是人擡舉

未必穠華勝沈園

捲雨拖煙濃似黛牽情縮恨勒於絲相看羨殺金衣侶
儘日調箎最上枝

寄示兒輩二首

退士投閒課子宜舌耕仍遣別山茨家無金穴惟資讀
業在青箱要及時狗鷺低昂思馬訓龍豬得失味韓詩
汝翁老覺童年誤不厭丁寧教汝知

踈竹寒梅野性憐桂香橘烈總欣然移從昨歲愁根淺
別到經時想蠹穿曉起連筒宜灌溉閒來稚子莫攀牽
休輕眼底閒花木頭白纔封樹幾拳

咏荔枝三首

盧橘先驅差自稱去聲蒲桃比類太相輕若非色味真殊

絕海角誰能把汝名

紅雲筵上鬪先登徐興公作噉荔會名紅雲社絳雪晶丸遠客矜却

被閩人偷眼笑朱香陳紫夢何曾

蜜漬鹽封漫識名飛騰無翅向都城校量不及閒梨栗

生隔盧溝三兩程易州栗真定梨皆有名

題林孝義家傳後諱賜魁晉江人辛卯進士聰之父

握抱珪璋佩茵莖清修矯矯里閭傳艱難奉母如徐積

緩急同人似戶先布素稱懷州府重科名食報子孫賢

熙朝史筆褒忠孝好並東京卓行編

巡撫定圃德公六十雙壽六首

杜石才猷川岳英繁禧天錫翊昇平麾幢任寄封圻久
衮玉 恩兼出入榮南國喜邀郇雨澤東方原是歲星

精齊年齊體

與夫齊體語
本白虎通

真堪慶台曜高連寶婺明

韶齡珥筆賦長楊玉尺頻持鑒定詳北斗文章尊吏部
春官桃李羨歐陽陶甄胄子懸冰鑑領袖羣仙長玉堂
黼黻績成經緯備還資舟楫濟川梁

戴斗文昌將相并范韓勲業在蒼生優隆

主眷常三接遷轉崇階半六卿

公在內歷官少宰
少司馬少司空

開府

藉籌軍國重領漕頻報庾倉盈便將南海甘棠樾移覆
西甌六十城

玉色金聲邦憲宜都從學問展猷爲夢吞三畫天根徹
座揭雙銘聖域窺廣厦襟期寒士庇平原心事衆人知
心似中原萬里
平明周憲王句銀筒丹鼎皆虛妄仁者由來慶壽眉

軒裳初不廢吟情唾玉揮珠潑水成古寺題詩傳琬琰
粵東海珠寺池州九
華山皆有公詩刻雲帆拈韻紀郵程公任總漕時著
有督糧草一卷

韓豪杜聖篇篇警褚礫虞戈筆筆精忝向瀛洲忝末坐
每披詞翰總心傾

備福宜賡既醉詩詩說既醉
詩備五福戟門佳氣耀晨曦齊眉象

服榮申國置膝瑤環勝坦之綠酒紅燈開曲宴青蒲黃

菊記良時

公以端陽後七日生辰
夫人中秋後三日生辰從知極貴長生並十

賚文同九錫貽

自題畫像

依稀似我看仍差期至終當上畫義已愧蜀川爲像供
况期麟閣作圖誇沐猴且喜衣冠好跨犢先辭組綬華
兒女莫須相歎訝還將自祭學陶家

八月十二夜得月樓玩月

樓在泉州
清源書院

火急完清課料平聲量賞好秋笛聽江客弄壺對舍人投

得飲休嫌痛

蘇詩一飲百
觴嫌未痛

能閒賴是偷桂輪雖未滿華

彩正悠悠

中秋大風雨夜將半復晴明效樂天體

雨橫風顛驚乍定月來雲破醉難謀是日本有期集天因風雨而罷
公簸弄真何意不要人閒準備秋

偶然作

仰床讀偈訝坡仙蘇詩楞嚴在床頭妙偈時仰讀判月持齋笑樂天白詩

三句齋滿欲銜杯我愧昌黎勝二老不能闕佛不逃禪

十六夜見月院中獨飲

佳辰經敗興補貼要今宵難覓同工曲進學解子雲相如同二異曲

聊成獨酌謠沈炯陸瑜皆有獨酌謠酒蒼風皺面牆白月橫腰賴

有香山集能消夜寂寥

時正熙
勘白集

君莫笑

予嗣仍喜沾恩澤

宋時大臣罷職多半依猶堪療困窮
請嗣得支嗣祿

唐制致仕官
准支半俸

僕僕道途君莫笑清源山是洞霄宮

書院庭前種竹二首

新移綠玉兩三竿
客裏聊期伴歲寒
自晒水雲蹤不定
漫勞排日視平安

獻歲凌雲未可知
祝君一事我心期
可能比竝孤山上

記取商賓手種時

孤山有竹閣白香山守杭時種竹於
此東坡有詩香山嘗爲太子賓客白

稱爲
商賓

咏石盆池有引

清源書院講堂南池畔有方石盆一具高三尺四寸橫長六尺五寸面徑半之石質堅膩淺綠色外鑄花卉之狀有題識其中呀然以深可貯水三十餘斛若用以蒔荷畜魚皆宜嚮余因閒步見之惜其以有用之物棄諸無人之地欲移置東齋以絕重難舉而止暇語君鏘王子竟以二十夫舁置齋頭殊爲一快事也嘗移舉時有識之者云此物原在東齋十數年前始移於此然余未之知也豈物之遷徙位置亦皆有數存焉耶因賦五言律三十

韻紀之併示及門令同作

妙手剡山骨窟中剡四隅盆池遺制度漆斛比形模淺

色含璫珮平膚潤玉壺重逾秦武鼎堅勝魏王瓠唐韻

正序通並云瓠有平仄二音義同古蘚存標格幽葩錯畫圖清宜隣水

檻玩合配花孟棄置緣何事荒涼疇與娛埋腰堆瓦礫

被面附泥塗貴客摩挲少芳辰賞咏孤微瀾黏晚絮敗

葉積秋梧解憶浮榮否曾傷往事無書院本靖海施侯別墅石盆蓋其舊

物高臺圍錦繡曲宴布氍毹玉帳三千士金釵二八姝

綠觴浮琥珀紅樹碎珊瑚此物依陪久於今歲月徂繁

華時去汝園蠹狀猶吾動乏移山力行思縮地符繫維

須六馬捧擁要千夫掛壁昭難築圖南路苦紆無言奚
自致有美欲誰沽好事門生在翹關壯士俱鵬騫看徒
運巖附轉崎嶇碣想陳倉馱鞭疑海上馱萬牛離壑木
百丈蜀川謂挽舟之纜爲百丈上灘艫似壁重歸趙如鈎乍屬吳安
排期妥帖楷洗助勞劬滿汲清泠淥遙騰瀲灩舩旋看
游錦鬣兼欲泛雕菰琢句慙敲玉聯吟佇貫珠可憐淪
落久顯用在須臾

秋日遊賜恩巖

在泉州郡城北三四里清源山之東麓也

清源六六巖賜恩特幽美可憐牛鳴地今日舉遊趾霜
林披錦纈雲磴踏崎嶇巖上有苾蒨房輿從聊一弭卸我

深雍鞞繫此分梢履引步一兩僧隨行二三子升高期
造極出險得雄視茫茫倪沙界隱隱瞰塵市東隅隣谷
王空碧但天水回思鼠穴仄因悵虱禪扉自從有此山
遊躅多如蟻幾人傳篇什何者著名氏緬懷四門歐石
室今未圯山有歐陽詹書室科名天荒破詞筆椎輪始巍巍韓
與崔頴韻騁鏢軌許公亦豪傑憤發投杯起閩書載賜恩巖唐賜
許刺史稷之山投杯事見閩川名士傳三秋養毛翮千仞辭棘枳故山荷
勅賜勝事鏡湖比溫陵信多賢先河數二士向夕別雲
龕高山勞仰止

池上

冬淺如秋序水軒晚獨臨高樓滿輪月老樹半池陰公
叔交久絕少陵詩自吟非醒亦非醉誰識此時心

野煙

垂垂漠漠斷還連一抹修原與廣田雨歇殘星初落後
風疎茅舍未炊前橫拖山脚千尋帛低絮江濤幾疊綿
等是后皇騰上氣不如雲霧會升天

題王孝廉東溪陽開小像二首

長松磊落想清姿寂歷秋英晚節期尙有閒情刪未得
石欄點筆坐題詩

牒訴裝懷隴笑騰琴歌酒賦事難仍君今便踏朝參鼓

似此蕭閒恐未能

送別王明府菘山

光變引疾歸里

籍甚循聲嶺海閒未成黔突拂衣還
脂膏不潤如公紀疾苦相關似次山
父老卽今思繪像舅姑從昔愛低顏

歲暮書懷四首

瀟瀟寒雨鬧城闌半餞殘冬半引春

歲內立春

疎影池塘梅

信退澹煙園館柳萌勻迂憐韓子驅窮鬼
懶愧陰侯祀竈神獨有癡猷小兒女鳴鐃疊鼓慶年新

瓊闥迨趨雨露深滄江一卧病衰侵歸田本異張衡意

綠筠書屋詩鈔

卷十一

七

釣水難諧李愿心，戀谷閒雲多懶慢。
出林寒鳥久沈吟，極知樛散宜邱壑。
無計壺觴許酌斟。

罷飯循廊百感生，影形問答對孤檠。
簷蜂族在懸仍舊，庭樹栽遲實未成。
擾擾情懷風舞蠹，勞蹤跡絮纏荆。
蜀莊不作唐生死，誰證前頭汗漫程。

衰齡急景歎奔梭，怕聽黃雞一曲歌。
曩日征衫馳叱撥，祇今藥裹問伽陀。
人情楚醴防顏面，世事齊竿忌鬼聲。
峩漫道詩因窮後好，窮來詩思苦無多。

己亥元旦次高詹事江村先生韻

朝正久已隔，天扉畫篋蟬生舊。
繡衣翠點朝盤新，節

重紅粘庭樹好春歸行辭支策誇身健瑞應書雲喜國
肥獨愧衛蘧能寡過更追五十九年非

重作

漸作屠蘇最後人尙非五岳縱遊身貧隨老境層層進
愁逐年光陣陣新誓墓未能如內史占筮聊復學靈均
何當乞得雙飛翼不藉梯航狃帝闈

題許編修雪村均先生折枝墨梅爲李給事敬

堂廷欽作

澹似楊无咎清於沈啓南靚妝呈面半遊舫及春三

先生

題款

能事家庭擅

先生尊人月溪翁亦工六法

殘縑篋衍探好將京

洛去一幃供花龕

次韻寄酬黃叶巷職方

蘇黃聲望本齊肩清絕詩篇叶雅絃迴雪流風神自遠
施朱著粉質非妍樂閒疏傅良辰宴善病東陽暑月綿
愧我紅塵緣未斷焚枯把袂待何年

獨坐

舊事總成空裏影閒情難斷藕巾絲此生有恨無人識
月白風疎獨坐時

盆池種荷葉而不花客謂下裁過遲之故感之
而作

漉泥分藕滿盆池，眇望生華惜後時。擎雨漫堆青蓋影，
出波難覩洛神姿。洛神賦灼若芙蓉出淥波。愆期老女宜男少，
晚遇文人脫穎遲。欲把庭花卜身世，爲吾遮莫茁瓊枝。

驟雨

驟雨時當午，收雲日未晡。祗堪洗蒸鬱，那解活焦枯。牛
老偏工喘，鳩閒不肯呼。林居猶苦熱，搔首念征途。時將束裝

都人

聽歌

四條絃滾曹綱手，一串珠生車子喉。及未聳時著意聽，
聳來空費錦纏頭。

買竹夫人不至

風床露簟要青奴章甫初非越客須

泉州無此物

我較涪翁

更悽絕不惟紅袖眼中無

山谷詩我無紅袖堪娛夜正要青奴一味涼

此生

此生漫浪信遭逢較短論聲長老更慵呼便應之壯叟
馬好非真者葉公龍苦吟世豈無裴說識曲今誰及蔡
邕得失寸心事千古端應未始出吾宗

讀楚辭題後

環詭汪洋正變該纏綿排剛意堪哀生時世已驚奇服
身後人猶訾露才枚賈追風圭臬在劉安王逸作傳室

堂開風詩繼嗣詞流祖未要昭明有取裁

又題

三閭詞賦古無倫學步尋聲總未親接跡千秋惟宋玉
九懷便是效贖人

自王褒擬九歌作九懷於是劉向作九歎王逸作九思然皆互相誦襲了

無新意

哭吳甥孔會

紹亨二首

竟赴新官召年華正盛時水枯舟離壑秋近葉辭枝遠
道終難訣回生事已遲

昨歲余屢語甥留意治病

最傷應汝母垂老

哭無兒

季重聲華滿師川指授經吾方談相宅汝已罷趨庭夜

入重泉黑衿留一領青遺孤須訓督餘慶望寧馨

哀屈吟

酌紅螺擲孤竹聽我哀屈吟譜作斷腸曲若有人兮涉
沅湘蕙爲帶兮荷爲裳朝擘洲之宿莽夕餐菊以爲糧
縱控玉虬驂紫凰西窮縣圃東扶桑荃不察君之誠素
兮需憑憑而吼怒白日冥冥兮風飄雨背靈璫之歲蕤
吟搖落之極浦求宓妃媒媵女訊鄭詹訴漁父呵壁問
天天不語九歌宛轉曾何補後之人猶云云九州奚不
歷相君露才揚己難爲羣賢明隔代諗訛尙如此何況
當時邑犬十百相狺狺哀屈吟哀以傷烏萃蘋中習木

一千秋灑淚天蒼茫

七夕二首

歲歲年年乞巧忙天孫也合髻成霜不知河畔緣奚事
老更機絲課七襄

朱裳傳命下銀河天上人閒隔豈多正賴機絲閒度日
不然其奈索居何

綠筠書屋詩鈔卷十二

閩縣

瀛洲後集

起乾隆己亥七月盡庚子一年

刻詩鈔成因追懷饒霽南吳雲巖沈欽伯三同年二首

狂吟往往許清奇
工拙年來暗自知
待到水仙新曲出
九原何處起鍾期

諸公詩筆盡清新
榮盛誰謀集櫃珍
香山有題文集櫃詩
此事若須顛
頷客年來休悔卧漳濱

秋院閒吟三首

遶砌蟲聲唧唧流空壁彩粼粼四年澗圃如昨

書院舊為施氏

澗圃別業一院秋光又新

無日有風茂樹少塵多水清池寂寞此時不免蕭閒他日方知

西園愛客人少南浦別君感多不是歸雲無那重新出岫爲何

奉題提督俞公厚菴 金菴 行樂園四首

高牙十萬領熊貔烜赫威名颯爽姿肯信壯猷老方叔
鬢邊未有二分絲

翠綉蚤歲直延英廿載邊庭駟旆旌移得棠陰向甌越

東南半壁作長城

說禮敦詩勝宿儒一門恭儉古規模男耽墳素姬鍼績
絕似樓家耕織圖

趙班勳閔存沙漠李郭尊榮冠縉紳爭似生逢 清晏
日靖共天職樂天倫

將赴 京國留別同社諸友

漳濱卧病歲時深重理孤裴出碧岑老鶴原無沖漢志
枯葵尚有仰陽心澗亭樽酒用簪盞古寺脩楸晚照臨
是日同人餞
余於道山寺回首總憐公輩好澆書攤飯稱幽襟

舟中口占二首

綠筠書屋詩鈔

卷十二

二

孫宏應詔年垂暮王播成名齒已衰白首長途君莫歎

譬如初與計偕時

時值秋開榜放

都無頭踏少腰纏衣麓書囊恰幾肩貧薄行裝君莫笑
勝於江上孝廉船

旅次病中作

病士無處着

余先以引疾歸里

抽身重出門眷言念長道別淚

盈復吞勢若箭在弦復似羝觸藩兩旬困風露偃卧西
南軒吟爲莊舄音招到屈原竟何如茅屋底煨粥迎朝
暾

宿陰平有感二首

公車席帽記當年
哭友中途涕淚漣

庚午計偕同行陳君琛道卒陰平

往事悠悠三十載
嶧陽停轡重悽然

客路相將恰五人

陳君琛林君從直鍾君兆相陳君榮椿及余而五

談諧風貌

憶如新祇今後死惟餘我
華髮蕭蕭半似銀

北行乘車戲爲口占十六韻

偏仄針尖地

源槃經尖頭針鋒受無量衆

穹窿尺五天將登呼援手

竝坐畏摩肩露重絲簾入
塵高向袖穿行侵鷄唱後宿

歧鳥歸先揜葵籠燈綴
廊當繡鐸聯無雲雷自動不夜

月剛圓熊軾慚當路蒲輪
羨古賢馬通供鼻觀牛糞起

庖烟輾轉同箕箒彎環學
獸跼肘舒衣每綻簷禿帽多

偏望遠迷鴻鳴看書或馬焉覆驚欹器側途中覆車者再馳訝

浪舟顛苦憶肩輿軟翻思走馬便起慵胞屢轉磨熟體

成胼碌碌愁生耳古諺云仕宦不已車生耳揚揚恠執鞭人薪勞各

極只合蚤求懸

題何上舍述善所藏文信國琴二首

百衲奇紋蓄異聲曾隨丞相歷危傾鞠通倘覓當時伴

尚有人間玉帶生

輪囷血赤一生心最是冰絃領識深可惜西臺竹如意

不曾留得配瑤琴

翁學士單溪方綱以所刻漢石經殘字見貽賦

謝

石經最古稱熹平恢我聖道宏漢京書丹乃是中郎筆
署尾兼題諫議名開陽門外講堂畔四十六石森瑤瓊
或云三字或一字趙氏論定殊分明自從洛陽躡戎馬
鴻都虎觀生棘荆河陽清波又一厄存者十一凋先型
開成成都皆晚出紛綸篇帙充齋楹黃家何處得斷石
石本錢塘黃君易所藏百十五箇秋晨星借摹又入蓬萊閣

學士
齋名

跋罷重與裁歌行惠然貽我歌併刻百朋之錫猶爲輕
歌如昌黎賦石鼓刻如定武翻蘭亭仲弓夏承雖一手
較此輩行宜爲兄竊聞明誠錄所見視今十倍何崢嶸

趙氏金石錄云今
所有者數十字

篇第小差文亦別可知今本非粹精

何當一朝獲全璧爲叅同異開聾盲

南隱草堂詩爲李學士廉衣

中簡

先生賦二首

草堂在右
安門內

覽卸朝衫得靜閒南隱咫尺是東山
隔籬繡壘塵埃外
入戶烟巒杳靄間
庾氏小園無綠瑛
蔣家三徑有青菅
便應長許忘機客
布襪襍屨屢往還

萬柳

堂名垂綸亭

感廢墟風流想像結茅初
三間恰比陸

生宅十畝真成桑者居
社壟幾浮新綠蟻
衣箱猶護舊
銀魚祗愁此樂天
公靳聽鼓還教上玉除

次韻題坡公天際烏雲真蹟爲翁覃溪學士作

九首

妙墨清辭成合璧千秋鉅手兩端明
鼠鬚繭紙真無價
紅袖烏絲劇有情

奎章偶試金壺汁外史重濡寶帚尖
總愛衍波牋滑笏

幾篇珠玉又新添

虞跋云卷後多佳紙

過眼雲烟古所驚也如身躡鳳凰翎
松陵環慶遙相望

幾度人間劫火經

帖初在元人王子明環慶堂後歸明松陵史氏

鬢華何害對裙紅放鴿開籠事豈同
不爲杭人多慧性

宵留妙蹟繼揚風

東坡寄述古詩有記取金籠放雪衣之句蓋指周效落籍事而自注云杭

人以放鶴爲太守
壽特假借言之耳

定香橋水半揚塵風月誰尋有美春零落倍添惆悵事

黃吳俱是有名人

黃山谷吳匏庵各有題跋今皆無存

寶籙室靜堆緗素詩境軒幽遞酒船漢碣唐碑看未了

丁香花暗影娟娟

寶籙室詩境軒皆學士齋名

小印纍纍署記翁古懽眞賞是家風彝齋肯撫彝齋字

大有竒緣翰墨中

此帖勿頁鈐押翁氏深原印及翁字小圓印不審爲何時人又學士一字

彝齋而藏帖之王予明家故有彝齋皆可異也

烏雲天際句銷魂此景荆關待細論消得覃溪買東絹

殷勤教寫隄舟痕

學士於每冊首頁倩名手作圖

戲鴻快雪漫鏤華真蹟單傳信可誇譬似六經收庫本

紛紛諸刻是麻沙

戲鴻快雪所收乃是從摹本臨刻者

編修翼堂

華孫

吳先生八十壽辰二首

物望靈光獨巋然玉堂仙是地行仙文章命世三蘓重
恭謹傳家萬石贄歛浦權舟攜茗竈黥山當戶展書筵
由來上壽歸名宿伏勝張蒼照曩編

軺車曾駐海邊郭巽序今猶頌玉壺春滿鄧林成杞梓
網臨滄澥擷珊瑚八蕭冠蓋門闌盛三錫絲綸禮數殊
遙跂錦堂噓笑夕巧棚剛對壽筵鋪

戲詠老翁四十韻

衆裏推先輩人間占地仙雞皮形黯黹鶴骨步迤邐歲
酒枯偏後賓筵坐最前眉厖剛覆目髮禿不盈顛是處
攜藤杖多時掛玉鞭牙搖愁餅硬臂弱憚弓堅物論騰
三矢風災託四禪馮唐嗟此日張緒憶當年掃白方無
驗還丹術未研蠅頭書怕讀蠶尾字難妍攀柳嗟搖落
看花隔霧烟入秋先擁褐當暑或穿綿得煖聊俛玉陶
情漫聽絃曲江儔侶罕洛社畫圖傳記憶新聞拙尋思
舊事偏笑狂翻有淚臥蚤卻無眠客訝衣冠古行驚井
邑遷顏紅時借酒嚼懶但宜館藥愛收雲母羨常薦玉
延癢思仙子爪痛覓小兒拳錦綺情應淡飴飴性最便

病常來作伴醜是例相連

老病醜語常兼舉

氣候蠶成繭程途

岸泊船如星留太白似日薄

虞淵作鬼知難免

東坡詩人生作

鬼會不免使君已老嗟何晚

成精故可憐

楞嚴經年老成精

弄孫分棗栗遣

妾贈釵鈿吟苦因成顛談深屢起旋莫須頻附耳空復

念搓肩接坐多生客趨班少舊員銜杯嗟戶減簪帽愧

花鮮跋扈全除矣靈光獨巋然稽經宜閣皮

內則大夫七十而有

閣循分合車懸漫羨桓榮寵誰知綺季賢繡屏圖不採

香山詩歌舞屏風花障上幾時曾畫白頭人

黃紙夢休牽桂性雖逾辣菱尖

已就圓

放翁詩菱州磨成共實圓自注云俗謂圓折多者菱角磨作雞頭

種松新長甲

樹櫝久成椽伏勝言多蹇張蒼齒不全延長叨北斗接

引望西天頗頽牽絲句

用刻木牽絲
作老翁句

淒涼鬪路篇空餘

酬主意嬰鑠據鞍韉

雨中作六首

晴伏氣蘊隆萬斂熾庭廡小齋况湫隘倍困蒸溽苦昨
夜南山雷忽送西郊雨鳴檐初浙瀝落砌轉喧怒爲霖
日正三占風期叶五條然枕簟便冰雪生肺腑

古人語三餘陰雨居其一平時斷還往矧乃泥沒滕閉
我兩版門散我四部帙一吟再三諷矻矻坐終日不愁
堵溜決翻畏杲日出所患雨添貧餒死懸磬室

萬生仰膏澤一雨勝雨珠根芽資以長焦槁待之蘓天

公每愛惜斟酌瓢與刺多或溝澮盈少或點滴無原期
禾黍茂詎爲蕭艾敷

炎威挾旱氣高下烟蟲蟲似積武庫油如擺陸渾風不
見鳳城南前月怒祝融事與宣榭異灾看宋火同玉石
材莫辨縷估計已窮可憐十萬家一捲荻與蓬此時儻
一雨天地收全功

陰晴候不齊郡國勢難一崇朝遍天下斯語恐未必我
家有薄田僅食法人六七常虞暘雨偏一飽真無術迨
迨隔南北誰審乾與溢

少陵歎今雨還往異平昔自比龐與揚窮巷守愁寂嗟

我平生友久作泉下客
竒文誰共賞
緩急疇可借
豈無金闈彥
契好存形跡
雨中重出門
不雨亦奚適

秋齋暇日抄輯漢魏以來詩作絕句二十首

百代風騷幾幟壇
作詩猶易論詩難
解人若更爲勸說
枉遣平生鏤肺肝

漢魏先河世共知
齊梁蟬噪語堪疑
君看徐庾陰何作
盡是王楊李杜師

太羹風味出塵寰
一卷斜川句絕攀
適俗韵多真想少

如何陶令滿人間

陶詩云少無適俗韵
又云真想初在襟

詩聖真堪百世師
摩天巨刃苦難追
黃河不害容沙石

未要箋家曲筆爲

瞥漢神鷹振羽翰
粲花生頰骨珊瑚金丹不落平人手
吮筆空摹蜀道難

疏越遺音正始親
枯絃索寞品非真
莫將優孟當王孟
卻見便宜不學人

香山廣大語非阿
俗句些些雋句多
漫苦沙中揀金屑
可從機上看龍梭

杜陵埋骨替人難
棄貌傳神獨有韓
試誦五言今體作
不同餘子具衣冠

龍紀景龍同一姓
四唐甄別漫紛拏
縱饒沈宋稱先覺

也合韓儼韋莊是作家

惟詩滋賦重當時籍甚翁承黃滔海國竒不及探龍徐

正字金書合寫苦吟辭詹惟林茲鄭誠同登會昌三年進士第時稱惟詩滋賦誠文爲

閩中三絕徐黃莆田人著有探龍釣磯詩集勃海國人皆以金書寫其斬蛇劍御溝水人生幾何賦於屏障

唐後無詩語太偏常新日月古今懸蕪蕪自有英韶曲何必咸池叶雅絃

才思泉源萬斛同精深華妙老逾工不知撼樹虬蟬苦偏有人間方子通

茶山門下有宗工蕭范猶難與角惟卻怪遺山疏鑿手論詩不及渭南翁

七歲詩名動九州，鴛鴦繡出錦機留。遺山詩有雪香亭
畔傷心地寫就，燕城一段愁。遺山雪香亭詩云賦家正
成。

直接唐人恐未然，麗貞龐蔚自堪傳。清容松雪俱宗匠，

何獨虞楊四子賢。

徐與公云元詩直接唐響歐陽原功云中統之文雅以蔚至大延祐之文

麗貞

四傑鏘鳴勝國初，高楊何可少。張徐驚人更有鈞，天奏

莫議留侯狀貌餘。

徐子元云青田鈞天廣樂聲容不凡陳剛子云文成微傷婉弱令人思留

侯之貌

弘嘉騷雅見班班，二李稱雄七子間。早有雌黃分兩袒，

綠筠書屋詩鈔

卷十二

十

譏彈寧獨在虞山

正聲未墜數閩風
圓熟偏貽口實同
才力何嘗非伯仲
訾訾正坐學唐工

椎輪大輅漸華精
楚曲吳歛等性情
若向周京歛葦籥
也應南雅是新聲

格調區區膠柱絃
讀書萬卷是爲賢
平生不信滄浪語
六義惟叅妙悟禪

聞史笠亭丁芷溪兩同年奄逝愴然有感

十載分襟情話違
忽聞長逝閣歛狄
青衫白髮貧司馬

謂史赤棒花驄老繡衣
丁謂各有詩篇留篋衍
更誰酬唱答

芳菲能餘幾箇晨星在凋落重傷輩行去聲稀

羈懷

羈懷鄉思兩悠悠憶別林泉歲欲周上谷風光難入夏
薊門雲物易成秋覺涼增感香山簞香山詩知涼簞最先經徹重
紉季子裘應被五陵豪士笑腐儒生理拙於鳩

排悶

饑來欲事赤松子老去聊叅枯木禪雞犬淮王新眷屬
寓齋畜狸奴二放生雞一裙衫學士舊姻緣枕中車轂連馳道窗外
愁霖戴漏天遺老亂思持底物趙岐云聊欲係心於翰墨得以亂思遺老二

升白墜一青編

王摩詰江山雪霽長卷爲張惕庵編修作

開元東塔痕久溼昭國畫壁成灰塵山居雪意入祕府

摩詰妙筆窺無因神物千年有擁護奇觀一幅猶嶙峋

闕里宅隳古文出昭陵匣啓繭帖新圖爲前明馮祭酒開之故物云是後

宰門拆古屋於漆墩輞川事旣恠宏治中黃休伯剝古漆墩得右丞輞川圖

此圖晚出特超倫禾興酒祭華亭董文敏互藏弄墨王價

重輝千春汪弼玉稱爲海內墨王流傳又落茂先手謂惕庵寶惜奚

翅玕琪珣我向齋頭獲寓目逼人寒色當秋旻江山久

雪喜初霽欲銷未銷萬頃銀樹鴉喙噤影獨速沙鴈翅

溼飛遠巡拏舟犯凍者誰子意興頗似山陰人匠心高

出礬頭法筆力健逾鼠尾絨雪渡雪江僅盈尺圖長壽
丈尤堪珍京師貴人購書盡鑿別往往逃僞真道元半
是朱繇筆趙左乃與容臺親此卷屬手豈能作縱橫其
貌非其神石田歌辭殊鬱律文敏跋語何殷諄捲還君
畫嘆惜再三歎安得置我江頭聽雪浮輕輪

林孝廉醇叔

崑瓊

卧病京邸詩以解之

我來昨歲秋舛轡越崇嶺授衣偶不戒風露作灾青寒
熱內相攻嘔泄一時併有若中鉤魚胃膈生刺鯁又如
將糖蟹躁擾輒狂逞畫卧動過申夜坐或達丙賴我中
不亂盤飧且教屏屹如遇勅敵不戰陣自整翩翩二豎

降稍稍六賊靖側聞維摩疾欲問阻泥濘昨朝見顏色
霍然已可幸玉骨雖稜稜電眸仍耿耿所苦煩懣存悅
怒殊未靜良由君惡去聲病驅病意太猛怵忸畏弦聲彷彿
疑弩影此心爲病使已落病鄉境不見樂天翁藥王
身自領白詩身爲藥王心自醫安心卽是藥坡老言可省尚當修
頭陀聊復混溟滓遊蒙有五蓋慧劍須一請慙媿杜陵
人已癯看俄頃庶幾比枚叔七發起癰瘡

和曹中允習庵

仁虎

寒齋十二咏用元韻

氈簾

一片雲垂地番氈匝匝成較勝蠻布密休憶楚筠輕曲

院風難撼虛堂暝，易生過冬深。荷汝况有煖爐并。

風門

騷屑寒飈緊，遮防匠製工。雙扉材可省，小戶客剛通。簾下甃應嫌，暗屏張不隔。風相看人意，稱儘日影瞳瞳。

煤炕

壘甃匡牀樣，縱橫竟室長。深紅常宿火，細燄勝燃糠。待熨孤衾鐵，能消曉視霜。辟邪功用小，未要麝煤香。

炭爐

慣作冬烘計，深爐楫榼堆。守來僮炙手，圍處客傳杯。素壁輕雲裊，銀鐙暗浪催。有時詩思澀，低首撥殘灰。

煖硯

子石生冰易欣看煖霧浮春潛回筆底錦漸簇詞頭淦
淦龍賓動津津兔頰柔風簷還記否呵凍作銀鉤

火盃

嚴冬宜煖食鏤盞客筵登質異官窯脆炎同爨火升功
堪分翠釜醖欲奪銀燈轉較光陰迅櫻厨記飲冰

圓案

列方新製巧月樣几團團聯袂情加密排肩坐較寬飭
盤圍恰稱圓机配真安因觸江鄉思闕衢市不難

此物
都城

甚
少

矮几

繡榻安低案圖書左右陳結跏師古佛席地憶先民雕
玉珍無價烏皮淨少塵關心 璫殿上踰跼點毫類

套杯

官窰新式好疊疊錦杯圓大小分隨戶奇雙數恰全藏
鈎排箇箇鬪量較涓涓最便攜觴地擎來不滿拳

掛瓶

膽瓶分半體綠萼插橫斜素壁凝香遠晴軒發韻華伴
燈懸繭室勝畫展鴉以省卻青猿課書筵檢落花

酒籌

分字書房詩金卷之三十一
一
侑飲持何具牙籌按坐拈斷章詩句好宣勸酒監嚴應
笑花枝替無須拇陣兼傾筒才一遍良夜已厭厭

煙筒

煙酒傳明季裁筒竹木宜一腔通火巧盈尺泄雲奇點
向加餐後銜當構思時嗜痂真有癖曉直動相隨

翁覃溪學士令人畫蕪端明遊蹟四圖索題爲

賦四首

黃樓

羽衣玉笛清遊處亂山合沓彭城路至今勝槩說黃樓
磨石長留太虛賦樓前正扼呂梁隈江山放眼真雄哉

我行不踏雙洪浪，夢裏曾登戲馬臺。豈知勝蹟因人重，
大賢作用原殊衆。君不見熙寧河決攻曹村，千漚夜發
趨彭門。孤城不沈三版耳，吏民散盡餘王尊。走叩中營
集飛卒，身先舂鍤泥。韡韡終看隻手障，狂瀾更築長堤
如嵌鏤。把殘重陽憶去年，沙痕猶在屋山巔。千秋安堵
伊誰力，消得詩人作畫傳。

雪堂

五年黃州城逐客，員外置

本蘓句

故人念窮困，爲乞躬耕

地。崎嶇除瓦礫，大磨謀一寄。作堂以雪名，適也從所值。
難客果誰歟，聊用文爲戲。懸知風日美，芒屨踏烟翠。臨

皋月下亭定惠水邊寺寥寥七百載堂圯空存記疇如
宋別駕俛仰能好事宋湯堂先生通守黃州尚有寶籀
人新圖傳古意特重構雪堂今亦圯

白鶴峯

去年水東今水西海南逐客長栖栖合江嘉祐兩無著
新卜雲峰茅可縛白雀高高一千尺檻前倒影搖江碧
便作南冠終老圖但祈米賤饒春麥所患汲腰酸鑿井
青石磐一朝餅罌浮雪乳釀爲真一可以資清歡回頭
卻望中原路茫茫一髮青山暮

載酒堂

天更盡頭身更孤
意行時復覓黎符
偶因載酒從漁釣
頗恨臨池少棟樑
雨瓦新聲聊想像
玉堂春夢久模糊
當年鴻爪真遊戲
好與河陽補畫圖

十二月十九日爲東坡先生生日翁覃溪學士
於齋頭薦笋脯倩宋芝山上舍作李委吹笛圖
同輩咸集分韻賦詩得飛字

奎精墜地壁府輝
手摘雲錦司天機
玉皇案前紆紅璣
金蓮雙燄騰紫微
歐王拱手秦晁晞
退之樂天分鞞鞮
但坐磨蝎才命違
下界人爲公是非
烏臺案起叢訶譏
連雞懂免嗚呼悽
去嚙黃州蕨與薇
武昌樊口從遊嬉

黃泥斗坂赤壁磯郭石二客聊相依誰爲新曲鶴南飛
紫裘腰遂來頎頎敬壽先生意有所維公在日衆所腓
風雨旣過收烟霏護言風雨過先生句也如星有斗春有暉遠追
覽揆薰篆翻眉州一瓊飲庶幾前有緇津後覃溪心香
一瓣偕弦韋爲公寫照傳公衣嗟我區區賢敢希餘膏
沾漑充咀噉欲循籬垣闕牖扉纏徽自引斤自揮微先
生吾誰與歸

補官未久蒙 恩擢授侍講學士誌感成咏

久栖雲壑別 皇扃又逐鷓鸞刷翅翎東觀重登疑隔

世北門 新命忝頭廳銀魚乍結趨 朝珮藜火仍橫

汲古經翹首 恩光均雨露華滋初不斲枯莖

綠筠書屋詩鈔卷十三

閩縣 葉觀國 毅庵

得槐軒集

起乾隆辛丑二月訖癸卯五月

初直 上書房作二首

結珮侵晨侍講筵，烟霄深處五雲鮮。才非徐摛庾肩吾叨

華選，班接鄒枚媿列賢。淨土清涼宜九夏，漪流迴互帶

三天。上書房凡三層，皆有雍正年間御題。前曰前垂天，殿中曰中天，景物最後一層曰後

天不老，謂之三夫。多慚藜藿書生腹，日飫官厨費萬錢。

少賤生涯仗舌耕，叢殘書篋案頭橫。豈期下國經師陋

得與高齋講席榮，論教精嚴前代少，儀文優異

聖恩宏不慙，素食持何具。終始懃拳凜，課程

直廬卽景二首

賜園幽曠，傍烟霄。傑直餘閒，領趣饒。日似小年，塵事少。
山如名畫，賞心遙。暖烘苑樹花，爭發漲。入明湖，雪正
滑。回首城南車馬路，摩肩攘袂苦喧囂。

披圖曾羨卷中人

曩爲滄浦相國題澄懷園
八友圖深致披羨之意

何幸輶材

奉末塵水北水南元對宇，山前山後總爲鄰。春深漸覺
菰蒲長境寂，惟將鷗鷺親。地有鷺渚
鷗莊舊蹟也擬相邀買東絹

倩他名手寫衣巾

曉直馬上口號

參差 宮殿彩雲間
澗澗晨曦射獸環
紅韎鞞堆新萼
破碧琉璃淨遠波
環光羲句裏
田家屋思訓
圖中霽後
山湯道戴星勞
出入比於曹署較清閒

曉起見隔院梨花

春歸先到 玉皇家次第
園英圻嫩芽
一樹白梨殘月
下隔墻遙認是梅花

園中花樹盛開

東風信是催花使
春樹還如應候潮
小紫輕紅添艷處
日方中與露初消

皇十一子雙鉤蘭竹卷應教謹題二首

小小烟巒澹澹波
纖塵不到樹無多
此中祇合蘭并竹
展放清陰一兩窠

洋州墨竹照千春
蘭石吳興少替人
舊法暇臨見新意
雙鉤分外與傳神

端午 恩賜物品恭紀九首

葛紗

賜衣逢令節越葛燦承筐
質較織絺弱機兼獨繭良
披宜行赤日製正叶黃裳
試咏含風句才慙體物長

蒲扇

蒲葵生嶺嶠葉葉舞晴空
製作團圓扇能驅溽溼風
齊

純材獨別方麴用還同願播
丹霄惠時薰遍域中

翎扇

霜翎含逸質作扇最清輕
月鏡當懷滿風輪引手生
龍皮空紀異鵲翅合齊名
雲翼如堪借應窺九萬程

摺疊扇

撒扇尤輕便何須古式存
半規新月樣幾葉畫裙痕
滑淨溪藤面淒清楚楚竹
魂仰家遺製好紉佩永銜恩

香囊

分得天香下累累小錦囊
五絲垂彩結百和合奇方
染袖餘馨在當風遠馥揚
紫羅安足貴持謝謝家郎

香珠

和露擗香屑研砂發妙姿
纍纍貫婆律一一轉摩尼雞
舌經含腐龍涎待蕤遲
麝膳長在肘結伴最相宜

椒串

蜀椒香郁烈作串一絲通關就玲瓏
巧裝成磊砢工細穿鷄艾紫圓剖蚌珠紅
蘭莖元同類長宜服珮充

藥錠

皇心存活物上藥採菁英方是千金聖
丹真九轉成頒來叨雨露捧出重瑤瓊
推惠期同患刀圭用莫輕

鄭宅茶

嫩芽來鄭宅精品冠閩溪便覺會坑俗應令願渚低溶
溶雲液澹剡剡雪槍齊石鼎烹嘗罷封緘手自題

雨中漫成

臨流小築似茅衡鹿眼新籬昨日成門徑少人昏更靜
林塘無暑雨逾清亂栽花藥添文藻爛煮瓜壺當大烹
擬號散人知未稱也應吏隱許兼名

追涼

追涼敷晚坐鄉思忽悠悠萬里隔黃口孤蹤搔白頭少
眠常望曙多感不因秋賴有林塘勝登臨聊寫憂

奉題德大宗伯定圃係先生松下讀書圖小像

四首

出擁高牙入細旃
簿書堆案吏摩肩
祗緣結習耽墳素
抽得身來手一編

未應佔畢學書生
時復咿唔對百城
謾謾琅琅相應和

松聲斷處認書聲

松吹何如金奏好
茶香能抵酒甘無
園有童子煎茶
看公寂寞

清修意俗煞韓家
夜宴圖

傳癖書淫性不移
蓬山芸閣恣搜奇
經神也合相邀遣

老入三天領講師
公為書房
摠師傅

恩賜貂裘恭紀十韻

禁闥追趨歲欲邁忽叨 恩旨賜珍裘學踈豹鼠宣勞
淺班隔銀貂 特典優製自尚方欣合度授從中使共
揚休光華飾備三英粲熨貼功兼五緘周惹袖異香餘
馥郁點裾廻雪助風流品高舊許陪蟬冕價重奚須問
雉頭狐貉蒙茸輸貴羨羔羊節儉讓溫柔披來恰值銅
樓啓卸後常教寶篋收尚記荷甌當栗烈可能挾纈忘
來由循思稱服惟修職好與衝寒趁曉籌

奉送漳浦相國假歸省墓二首

得請言歸荷

主恩暫辭黃閣出青門關心廿載松楸色入眼三山紫

翠琅過嶺猶應餐晚荔還朝重佇侍華軒莫因貫月

疑行李爲有

宸章重魯璠

瀕行

上賦詩灑
翰以賜朝士榮之

揆席從容

聖得賢正資名德領班聯長閒未遂歸田賦短假聊乘
下瀨船鄉里應誇黃髮健道途爭羨錦衣鮮因公振觸
家山思目極行旌倍惘然

感懷二首

駢驅暱蛩蛩有難負之走鵲鴿一小鳥在原常先後哀
哉人不如鷄難從平聲讀莫相救俛仰媿庭荆歛歔傷釜豆

恨無長羽翼銜汝越重岫

遇虎莫捋鬚
毒蛇忌安足
君看偃鼠微飲河
但滿腹利途
戒重往
暝路須秉燭
奈何渭濟清
同坐涇河濁
頗憶少游言
逆耳乃忠告

次韻恭和 皇十一子小樓對雪

久看山靄連朝重
陡覺春寒幾倍加
梅已過頭誰鬥色
柳纔舒眼訝飛花
歡聲定滿農人屋
勝賞偏宜

帝子家信是高吟
稱白雪玉璫銀札共橫斜

送別蔣編修心畬

士銓引疾歸里

跡遠情親二十年
聞君解紱意瞿然
元卿本自耽三徑

白傅何由度四禪
文擬漢京答賓戲
曲傳樂府想夫憐
若爲一權洪江畔
共醉滕王閣上筵

綠筠書屋詩鈔卷十四

閩縣 葉觀國 毅庵

蜀道集

起乾隆癸卯六月訖九月

奉 命典試蜀中紀 恩述懷四首

鄉賦掄才又一時承 恩重忝披文司淋漓 詔墨名

叨首

是次奉

旨簡用者

十人觀國名適居首濟楚班行齒獨衰

同輩中余科分最前

蜀國炳靈懷詰彥劍門竒觀稱心期卻須料理生花眼

莫遣元珠咫尺遺

平生豪事數遊蹤六詔烟嵐五嶺峰

曩余督學雲南廣西

此去應

添雍益集遺基何限漢唐封少陵入蜀依栖劣司馬還

鄉告諭重底似承明攜玉尺量裁江錦意從容

辭家孤宦比僧清捆載翻同盡室行首路總尋滹水渡

前驅新建井陘旌

余前後奉使俱由真定趙州取道此次乃西折趨井陘也關心玉

壘青霄迥放眼金天翠嶽明莫歎老來生髀肉據鞍猶

可賦西征

壯賦皇華使節頻

癸酉丙子庚辰辛卯皆忝與典試之役

滄江歸卧滌衣

塵流光紀歲重逢卯

寵命從天忝再申持鑑敢誇高

眼具飲冰惟仗寸心真琴臺軼事吾無取恐有元文未

售人

井陘道中

土門蓬勃軟塵飛千仞雄關俯翠微
拔幟舊誇韓信烈
駐軍曾紀晉公威
纍纍村果三珠樹
稜稜山田百衲衣
居人墾山爲田其狀如是
似是平生經過地
幾回春夢記依稀
數年前屢夢登躡土山如道上所見狀

獲鹿縣

山城斗大枕嶙峋
全趙咽喉號要津
不信荒涼如許地

當年曾此住詩人
元遺山居此

早發榆次縣

連朝賦陟祖登降
隨凹凸狀如鳥在樊
又類鼠沼穴山窮地
忽展蒼茫風景別
得下高寒頂始驚
伏暑節日來行山

中早暮皆著絮衣

預愁前路雨六幕雲陰結道難覺事梗途遠

念身子賴有地主賢

送營一切同年温朔堂臬使遣人來迓

紫駟

肥可控白飢禮無缺諄諄勗僕夫毋須憚九折

介休三詠

介山

之推不言祿介節洵足尚
晉文悔而求晚意亦堪諒
焚山何太暴抱樹死無當
至今爲禁烟詎異汨羅愴
平生疑所聞千載選難訪
惟有介山色蒼然起瞻仰

郭有道墓

中郎亦諛墓無愧惟郭碑
潛德備斯文不容重費辭
墓

田瀕道左附墓有專祠歲時供酒掃禱祀陳漿醢猶令
百世下過客欽光儀豈惟登仙榮歎羨在當時

文潞公祠

潞公韓富儔善處危疑際勛望冠四朝謀慮關國計功
成輒引退脫屣謝權勢紛紛梁棟摧後凋獨享歲豈但
誇圖畫兼足懾夷裔奇錦有流言休容寧芥蒂

漢槐歌

在郭有道阡旁

漢時金石今存稀森然此樹特瓌奇年深色古銅錢姿
藏穿戴瘳形支離防風骨節重生肌孫枝猶作徑尺圍
曹顛馬蹶了不知童童疑有神護持邇表幽阡輝羽儀

吁嗟有道人宗師高蹤絕代追鴻涯不罹黨禍知先幾
墓田十畝寬且治此槐詎異甘棠遺相戒剪伐童與耆
秦松孔檜堪肩隨下視衆植俱孫兒呂侯作圖搗陷糜
近介休令呂君公滋有漢槐石刻愛古好事洵有之惜乎不得杜陵詩
刻畫黛色摹蒼皮令與古柏名齊垂

過韓侯嶺

靈石縣境上有韓侯祠祠後有墓

崩旒千尋坂淮陰廟貌垂弓藏長飲恨墓在舊傳疑未
稱功人報空邀國士知炷香一灑淚如過釣臺時

望中條山

祕車盡日觸黃塵潑眼中條曉翠新太息鐘鳴夜行客

何如深谷早休人

行中條山下次前韻

依岩結屋斷風塵
菜圃瓜疇露氣新一卷關荆好圖畫
王官自合絆高人

潼關

天險岌如許重圍不易梯
守須七屬甲孫樵有潼關甲銘封詫
一丸泥項羽鋒誠銳哥舒計自低
時清雖不閉固國賴

山谿

登萬壽閣望華嶽

在華陰縣

傑閣臨喬嶽
峩勢竝雄金天秩祀古銀榜錫褒崇上閣

綠筠書屋詩鈔

卷十四

四

奉

今上御區聖祖及

拔地三峰秀鄰霄一氣通嶂舍新雨

翠厓借夕陽紅落雁憑欄外蒼龍決背中未攜生柳粟
勝看畫屏風尚記瞻梁甫還曾望祝融總慚窺半面茲
幸豁雙瞳擬向希夷約他時叩蕊宮

驪山溫泉

唐皇賜浴嬉遊處翠繞珠圍縱歌舞豈知噴玉一泓泉
散作淋鈴千點雨我來弔古踏夕陽繡嶺東西草樹荒
行人信意濯塵垢那管當年第幾湯

馬嵬三首

開元晚節事多端不破潼關興未闌便遣玉奴少顏色

青驪也合出長安

鈿合香囊委路岐，
割情爲趁六軍期。
相思枉致馮都客，
可記長生私語時。

佛堂倉猝亦堪傷，
遺詠琳琅古墨香。
聽事東西壁題此
咏石刻甚夥
較八姨光寵甚荒墳，
誰更問陳倉。

發寶雞縣

未入澁叢非絡疆，
畏途試手問陳倉。
危屏四面變昏黑，
曲磴千層接混茫。
北客乍來應掉膽，
閩人初到似還鄉。
祇愁白馬金牛畔，
前路嵌崟不易詳。

鳳縣

綠筠書屋詩鈔

卷十四

五

舊傳三絕在茲州

古語鳳州三絕手柳酒

無分春織把玉舟惟有

數株古楊柳綠絲綠軟拂人頭

過鳳嶺

凌晨登鳳嶺渺渺轉塵屐亂草見鉤吻空山啼盡看宿
雲栖袂濕恠石礙人欹賴是乘輅使差忘作客悲

過雞頭關

風掃雲收雨意闌曉天雞憤仰頭看舍車拄策蹒跚上
恰帶殘陽下七盤

沔縣謁諸葛丞相祠

五丈原頭落大星劍門從此擁虛局關張義重偏無命

伊呂名高不竝齡山下陣圖餘壁壘墓前石馬想英靈
錦官亦有祠堂在古柏森森一樣青

少陵草堂

萬里橋西舊草堂拾遺遺跡耿秋光間關避地因豺虎
漂泊依人仰稻梁再拜杜鵑常迸淚兩開叢菊幾廻腸
華陽尚有城南杜

東坡詩聞道華陽版籍
中至今尚有城南杜

收拭須緣白

首郎